

PITANJE BR.1

Poštovana,

Pišem Vam u svrhu pojašnjenja konkursnog zadatka izrade centralnog spomen obilježja svim poginulim braniteljima BIH. Naime, zanima me da li je u sklopu dizajna spomenika predviđeno/poželjno ispisivanje imena svih poginulih branitelja?

Unaprijed se zahvaljujem na odgovoru.

ODGOVOR:

Poštovani,

Vezano za Vaš upit za Konkurs želimo Vas obavijestiti o slijedećem:

Projektnim zadatkom nije predviđeno/poželjno ispisivanje imena svih poginulih branitelja.

Želimo Vam takođe skrenuti pažnju da se Konkurs odnosi na izradu centralnog spomen obilježja svim poginulim braniteljima opkoljenog Sarajeva 1992-1995, a ne svim poginulim braniteljima BiH kako ste naveli u svom pitanju.

PITANJE BR.2

Poštovana,

Javljam Vam se apropo učešća na konkursu za Idejno rješenje Centralnog spomen obilježja poginulim braniteljima opkoljenog Sarajeva 1992-1995 sa slijedećim pitanjima:

1. Pri uređenju partera, da li je dozvoljeno mijenjati trenutnu konfiguraciju trga, uz očuvanje svih postojećih stabala? (Lično smatram da trenutna dispozicija šetnica i zelenih prostora nije usklađena sa urbanim kontekstom u okruženju)
2. Da li je dozvoljeno izmještanje grmova (konkretno se misli na skupine grmova lijeske, juniperusa i tise na travnatoj plohi br. 4, te grma pored zastava na plohi br 2 - koji nije naveden u konkursnoj dokumentaciji, a nalazi se na trgu - ostali bi bili zadržani)?
3. Da li je poželjno postavljanje tabli sa imenima poginulih boraca?

ODGOVOR:

Poštovani,

Vezano za Vaš upit za Konkurs želimo Vas obavijestiti o slijedećem:

1. Kao što je definisano projektnim zadatkom, pored skulptorskog rješenja spomenika autor konkursnog rada dostavlja parterno rješenje po svom slobodnom izboru, što znači da može mijenjati trenutnu konfiguraciju trga uz očuvanje postojećih zaštićenih visokih stabala, a sve u skladu sa Separatom zaštite koji je prilog konkursnoj dokumentaciji.
2. Dozvoljeno je izmještanje grmova i niskog rastinja u skladu sa vlastitom idejom učesnika u konkursu, osim ako Separatom zaštite nije drugačije definisano.
3. Projektnim zadatkom nije zadano postavljanje tabli sa imenima poginulih boraca opkoljenog Sarajeva 1992-1995.god